

Sjávarútvegs- og landbúnaðarráðuneyti  
Skúlagötu 4  
150 Reykjavík



18. september 2020

2009014 IBE

s. 1/2

### **Umsögn í Samráðsgátt S172/2020, frumvarp til laga um breytingu á lögum um stjórn fiskveiða (öflun sjávargróðurs í atvinnuskyni.**

Sveitarstjórn Reykhólahrepps gerir hér með athugasemdir við ofangreint frumvarp og byggir athugasemdin sínar að megin þætti til á grundvelli byggðasjónarmiða. Sveitarstjórn vísar einnig til umsagnar/sjónarmiða frá 1.3.2016 og fylgir hún með sem fylgiskjal.

Þörungaverksmiðjan á Reykhólum hefur stundað þang og þaratekju í Breiðafirði í yfir 40 ár. Þörungaverksmiðjan hefur lagt mikla áherslu á sjálfbæra nýtingu sem er grundvöllur fyrir rekstri fyrirtækisins til framtíðar. Fyrirtækið hefur aflað sér víðtækrar sérþekkingar á nýtingu þangs og þara í Breiðafirði og nær sú þekking yfir meirihluta Breiðafjarðar, frá Kolgrafarfirði sunnanvert í Breiðafirði yfir á Barðaströnd norðanvert. Sú þekking sem skapast byggist á raunverulegri nýtingu og raunverulegri þörf fyrirtækisins fyrir sjálfbærni til að byggja undir rekstur til framtíðar. Það er óábyrgt að líta ekki til þessarar þekkingar þegar umræða um nýtingu þangs og þara er annarsvegar.

Þörungaverksmiðjan er máttarstólpur í Reykhólahreppi og grundvöllur að byggðinni í þorpinu á Reykhólum. Gildi fyrirtækisins fyrir samfélagið er ótvíræð. Allar breytingar á lögum sem lúta að því að breyta grundvelli starfssemi fyrirtækisins hafa bein áhrif á samfélagið í Reykhólahreppi. Því þarf að stíga varlega til jarðar með allar stjórnvaldsákvæðanir sem gætu haft íþyngjandi áhrif á grundvöll fyrir rekstri fyrirtækisins.

Reykhólahreppur hefur lýst yfir áhyggjum sínum af íbúapróun síðustu misseri. Reykhólahreppur er víðtækt landbúnaðarhérað þar sem sauðfjárrækt er aðal starfssemin. Mikil tengsl eru á milli nýliðunar í landbúnað og möguleikum á atvinnu á svæðinu, þar sem sauðfjárbændur þurfa í flestum tilfellum að vinna með landbúnaðarstörfum. Þar leikur tilvera Þörungaverksmiðjunnar stórt hlutverk.

Sveitarstjórn bendir á að stofnað hefur verið þarakaustur nýsköpunar- og rannsóknasetur á Reykhólum. Grundvöllur stofnunar þess fyrirtækis, sem að hluta til er í eigu Reykhólahrepps, eru rannsóknir, upplýsingaöflun og nýsköpun með áherslu á þang og þara. Nánast öll íslensk þekking á nýtingu og vinnslu á þangi og þara er í Reykhólahreppi.



Sveitarstjórn leggur áherslu á það að varlega verði farið í allar breytingar sem varða öflun sjávargróðurs í atvinnuskyni. Horft verði til byggðasjónarmiða og þróunar byggðar á landsbyggðinni. Einnig leggst Sveitarstjórn gegn breytingum sem fela í sér afslátt af rannsóknarskyldu áður en leyfi er veitt fyrir nýtingu.

Með kveðju,

**Ingibjörg B. Erlingsdóttir**  
sveitarstjóri

*sveitarstjori@reykholar.is*